

Heilbron se harte gaan uit

Terwyl aansoek gestuur word aan Solidariteit se Helpende Hand, neem Danie Knoetze die inisiatief deur 'n soortgelyke projek te bedryf vir die minderbevoorregtes in Heilbron. Hy sê daar is nie tyd om te wag vir fondse van die liefdadigheidsorganisasie om mense in die dorp te bereik nie. Hy en sy verloofde, Vanessa Blignaut bestuur hierdie projek as instrumente van God vanuit hulle voorportaal. Hulle vra donasies en skenk kospakkies aan dié wat dit die meeste nodig het omdat hulle direk deur die Covid-19-regulasies, geraak word. Heilbronners se gemeenskap nomineer mense en daar is altesaam 32 name op die lys waarvan kospakkies al aan 25 afgelewer is. Die algemene pakkie se waarde is R540-R580 en sluit onbederfbare noodsaaklike produkte in soos: meliemeel, makaroni, tandepasta, soya mince, seep en kookolie. 'n Standaardlys word gevolg word om die pakkies op te maak, maar daar was ook ander produkte geskenk en van die pakkies het al langlewe melk, pampoen en 2-minute noodles bevat. Die kontant skenkings word glad nie gebruik vir onnodige produkte nie. Elke donasie word gebruik en enige iets is welkom. Hierdie boks is genoeg vir 'n basiese gesin om 'n week mee te kan kos maak, indien dit reg gebruik word. Vir dié wat dit benodig is van die geld al gebruik om vir huisgesinne krag te kan koop. Verskeie streng maatreëls word gevolg om die projek te hanteer en elk moet eers 'n vorm invul voordat 'n donasie aan hulle gemaak word. Die vorm word eger ook deurgestuurd aan Solidariteit se hulpfonds om verdere ondersteuning te gee, maar terwyl daar gewag word vir goedkeuring is hierdie Heilbron-projek reeds aan die gang om mense uit te help. Danie besoek elke huishouding persoonlik om eers na die omstandighede te kyk waarvan die familie die vorm dan kan invul. Op sy eie onkoste ry hy rond van huis tot huis en waardeer ook die diesel skenking wat hiervoor gemaak is. Hy doen dit uit die goedheid van sy hart en niks van die skenkings word vir eie gebruik geneem nie. Indien die produkte reeds beskikbaar is en die nood groot, word 'n kospakkie afgelewer binne 'n dag of twee. Dit word met ope arms en tranes van blydschap ontvang. Daar is 'n groot behoefte vir die volgende paar weke wat voorlê en daar word verseker dat goeie ondersoek eers ingestel is. Pakkies word persoonlik deur Danie afgelewer om te verseker dit bereik die regte gesin. Volgens van hierdie gesinne is daar 'n groot behoefte aan toilet papier. Verskeie besighede, instansies en mense het al skenkings gemaak "Dit is moeilik om elkeen uit te sonder en voor dankie te sê" verduidelik Danie, en groot waardering word vir elkeen getoon. Elke teesakkie, blikkie kos en geldjie word opreg waardeer. Die Boeretreat, Safra, Busta en Clover is maar 'n klein groepie van dié besighede wat dit moontlik gemaak het om op 16 April 'n verdere 30 pakkies op te maak vir behoeftiges. Meeste van die produkte word by Spar aangekoop en mense kan daar ook die skenkings maak vir hierdie projek. Kontak vir Danie Knoetze by 082 974 0055 indien jy ook jou deel wil doen of weet van iemand wat hierdie ondersteuning sal benodig.



Huishoudelike produkte as bemesting

Omtrent alle kunsmis in SA bestaan uit stikstof (N), fosfor (P) en kalium (K). Dit is die drie belangrikste groepe voedingstowwe wat plante benodig. Met daardie basiese kennis en die wete dat kalsium en magnesium ook noodsaaklike elemente is, kan mens "buitengewone voeding" vir jou plante gee.

Melk en eierdoppe

Gee jou plante ou melk en fyngemaakte eierdoppe. Dit bevat kalsium en melk vernietig ook "white mildew".

Engelse sout

Engelse sout (epsom salts) is suiwer magnesium-sulfaat. Dit is goed vir plante en mense. Meng 1 teelepel met 10 liter water vir plante en 1 teelepel in 'n glasie water vir jouself.

Teeblare en koffiemoer

Teeblare (gebreekte teesakkies) en koffiemoer bevat baie stikstof. Koffiemoer is ietwat suur en verlaag dus die pH van jou plante se grond. Plante wat van suurgrond (lae pH) hou soos Clivias, varkore en palms is mal daaroor.

Asyn

Om die pH van jou grond te verlaag vir plante wat suurgrond soek, gooi 1 x eetlepel

asyn by 10 liter water waar bv. Clivias en aronskelke geplant is. LW: Asyn is nie 'n voedingstof nie, dit verlaag net grond se pH (maak dit sunder) nes swembadsuur 'n swembad se pH verlaag.

Gebrande hout (as)

As verhoog jou grond se pH (teenoorgestelde van asyn) en moet dus net gebruik word by plante wat van alkaliese grond hou soos aspersies of kool. Dit bevat koolstof wat ook goed is vir plante. Min plante hou van hoë pH grond.

Piesangskille en Coke Zero

Ou piesangs en piesangskille is een van die beste bronne van kalium. Coke bevat ook kalium maar dis baie duurer as kunsmis. Ou Coke is natuurlik reg, maar ou Coke Zero is beter, want die suiker in gewone Coke lok net miere en ander onnodige insekte.

Erdwurm en menslike urine

Die vog wat in 'n erdwurmplaas gevorm word is die beste bemesting op aarde. Urine is steriel en bevat stikstof, fosfor en kalium. Dit moet net met water verdun word in verhouding 1:8 of 1:10. Om verstaanbare redes gebruik mens dit nie vir spinasie, kool of slaai nie.

Hondekos

Hondekos is eintlik niks anders as pap en vleis wat verwerk is nie. Kwekery-eienaars sê dat Nitrosol as voedingstof vir beseerde plantjies gebruik kan word. Nitrosol word eintlik net van bloed gemaak. Wanneer jy nuwe plante in 'n pot sit, plaas dus 'n paar pilletjies hondekos in die grondmengsel. Dit bevat stikstof, fosfor en kalium en ander minerale.

Sunlight vloeibare seep

Gebruik dit vir plaagbeheer van witvlieg en skimmel. Voeg een eetlepel by 1 liter water en spuit jou suurlemoenboom en ander plante se blare daarmee. Dit is natuurlik nie 'n voedingstof nie en beheer slegs peste.

Aspirien (Disprin)

Gee plante 'n flou oplossing van Disprin as hulle beseer of beskadig is. Die asetielsalisielsuur stimuleer die immuunstelsel van die plant om skade te beveg wat veroorsaak is deur diere, peste of fisiese skade.

FACE SHIELDS



PROVIDING A LAYER OF PROTECTION COVERING THE WEARER'S ENTIRE FACE:

- Manufactured from 0.5mm PETG
- Polypropylene Adjustable headband
- Visor height 240mm
- Unit is supplied flat packed & easy to assemble

1 - 5 Units: R 60.55 ex. VAT

5 + Units: R 50.55 ex. VAT

Product Code: MED501

083 269 9257 | heraldoffice@heilbron.co.za





OUR DIGITAL SERVICES ARE OPERATIONAL DURING THE COVID-19 LOCKDOWN





We mean business

ORDERS, FOR THE FOLLOWING SERVICES, ARE STILL OPEN DURING LOCKDOWN FOR PROCESSING:

- Design
- Print
- Signage
- Stationery
- Office Furniture
- Branded Clothing & Apparel



For more information contact us on: 083 269 9257 | heraldoffice@heilbron.co.za